



Gwasanaeth
Mabwysiadu
Cenedlaethol

National
Adoption
Service

Adroddiad Blynyddol

21/22

Crynodeb
hawdd ei ddarllen
i bob oed



Mae
darllen hawdd
yn ffordd o'i wneud
yn haws i bobl deall
gwybodaeth.



Cyflawni Mwy Gyda'n Gilydd



HELLO



Beth yw'r Gwasanaeth Mabwysiadu Cenedlaethol?



Rydym ni'n sefydliad sy'n dod â gwasanaethau mabwysiadu lleol Cymru at ei gilydd. Rydym yn awyddus iawn i wneud y gwasanaeth gorau posibl i deuluoedd mabwysiadol.

Mae teuluoedd mabwysiadol yn cynnwys y plant a phobl ifanc sydd wedi cael eu mabwysiadu a'r Mabwysiadwyr – pobl sydd am fod yn rhieni'r plant a phobl ifanc hynny.

Mae yna dim cenedlaethol bach sydd yn arwain y gwaith o:

22

o **awdurdodau lleol** Cymreig sy'n gofalu am blant sy'n 'derbyn gofal' – term cyfreithiol ar gyfer plant mewn gofal.

5

o **wasanaethau Mabwysiadu Rhanbarthol** sy'n cefnogi'r Awdurdodau Lleol i gael hyd i gartref parhaol i blant

4

o asiantaethau Mabwysiadu Gwirfoddol

Mae ein **Bwrdd Llywodraethol** hefyd yn helpu i sicrhau fod pob dim yn cael ei redeg yn iawn.

Maen nhw'n grŵp o bobl o wahanol sefydliadau yng Nghymru sy'n:

- Sicrhau ein bod yn cyflawni'n blaenoriaethau (y pethau mwyaf pwysig mae'n rhaid i ni wneud).
- Cyflawni'n dyletswyddau ac ymrwymadau i blant a phobl sy'n mabwysiad

Mae grwpiau o **bobl broffesiynol mewn mabwysiadu** hefyd yn ein helpu i wella bywydau plant sy'n byw â'u teuluoedd mabwysiadol.



Mae **Awdurdodau Lleol** yn gyfrifol am amrywiaeth o wasanaethau hanfodol i bobl a busnesau, fel tai, gwasanaethau cymdeithasol, heolydd, a gwastraff, mewn ardaloedd penodol e.e. Pen-y-bont ar Ogwr, Caerffili. Enw arall arnyn nhw yw cynghorau lleol neu sirol.

Maen nhw'n grŵp o bobl sydd ag awdurdod i gyrraedd nodau. Rydym yn galw'r nodau yma'n bolisiau a'u bwriad fel arfer yw gwella bywydau pobl leol. Felly maen nhw ychydig fel llywodraeth fach.

Mae **Rhanbarthau'n** delio ag ardaloedd mwy o faint, gan roi cefnogaeth a chyfarwyddyd i helpu pob un o'r awdurdodau lleol ac asiantaethau eraill, fel iechyd ac addysg, i gydweithio.

Mae'r Gwasanaeth Mabwysiadu Rhanbarthol wedi ei rannu'n 5 **ardal**. Mae pob ardal yn darparu'r gwasanaethau asiantaeth mabwysiadu y mae eu hangen, fel cael hyd i bobl i fabwysiadu, cael hyd i gartrefi i blant.

Mae **Pobl Broffesiynol mewn Mabwysiadu** yn bobl sy'n helpu pobl i ganfod, asesu a pharu pobl sydd eisiau mabwysiadu gyda phlant sydd angen teulu newydd yn ogystal â rhoi cymorth mabwysiadu. Maen nhw'n gwybod llawer am fabwysiadu. Mae ganddyn nhw lawer o sgiliau a chymwysterau gwahanol i wneud y gwaith yma. Efallai eu bod yn gweithio yn y swyddfa, yn weithwyr cymdeithasol, gweithwyr iechyd neu unrhyw rôl arall y mae ei hangen.



Blwyddyn wych arall i'r GMC a theuluoedd mabwysiadol!

Yn 2021-22 rydym wedi bod yn brysur ond yn llwyddiannus ac mae hynny er bod Covid yn dal i fod yma ac yn achosi oedi weithiau. Rydym wedi parhau i:

- Gael hyd i bobl i fabwysiadu
- Lleoli plant gyda'u teuluoedd newydd
- Lleihau nifer y plant sy'n aros am leoliad
- Rhoi cefnogaeth i deuluoedd newydd a hen.

Mewn gwirionedd, mae pobl yn dweud wrthym ni fod ein gwasanaethau mabwysiadu'n gwneud yn dda iawn o gymharu â mannau eraill.

Rydym ar ben y tabl!

Felly, unwaith eto, diolch i'ch **UWCHARWYR** i gyd a weithiodd yn galed, a oedd yn ymrwymedig, yn garedig ac yn gymwynasgar. Rydym yn eich gwerthfawrogi'n fawr!



Blaenoriaeth #1

Lleoli mwy o blant



- Cael hyd i fwy o bobl sydd am fabwysiadu (mabwysiadwyr)
- Cael hyd i'r rhieni mabwysiadol gorau i bob plentyn a pherson ifanc unigol

Sut wnaethom ni?

Yn gyntaf, cyrhaeddodd ni ein targed i gynyddu nifer y mabwysiadwyr a gymeradwywyd!

Mae'r niferoedd isod yn ein helpu i weld ble rydym yn gwneud yn dda a ble gallwn ni wella:

Cafodd **288**
gyfuniadau o blant a
mabwysiadwyr
eu gwneud
(uwch na llynedd)

Cafodd **279**
o blant eu lleoli gyda theuluoedd

Mae hynny'n **6%**
mwy na 2020/21

Cynyddu
cymeradwyo
mabwysiadwyr

6%

Cafodd **80**
pariadau hynny
eu canfod trwy'r
Gofrestr Fabwysiadu

Gostyngodd **ymholiadau i
fabwysiadu 7%** (yn gysylltiedig
â Covid) ond mae ein niferodd
llawer yn uwch na phan
ddechreuon ni yn 2014

Cafodd **5**
blant eu paru gyda
mabwysiadwyr mewn
un diwrnod yn y Diwrnod
Gweithgaredd Mabwysiadu
yn Hydref 2021



Mae cynnydd
wedi bod yn nifer
y bobl sy'n aros
i fabwysiadu

Gostyngodd **asesiadau
mabwysiadwyr**

23%
Rydym yn edrych ar hyn



Beth wnaethon ni?

1

Newyddion cyffrous iawn!

Yn 2021 enillodd ein podlediad 'Truth Be Told,' (ble clywon ni gan rieni mabwysiadol pa mor anhygoel yw mabwysiadu), **WOBR AUR** oherwydd y neges wych roedd yn rhannu i annog pobl i feddwl am fabwysiadu. Fel y gallwch chi ddychmygu, rydym yn falch iawn o hyn, a diolch yn fawr iawn i Cowshed a roddodd help i ni i wneud i hyn ddigwydd. Dyma hi:



2

Ymgyrch Dewis Teulu'n

Roedd Ymgyrch Dewis Teulu'n brosiect arbennig i annog pobl i ystyried mabwysiadu plant hŷn, bechgyn a brodyr a chwiorydd fel y gallan nhw gael teulu yn gynt.

Rhoddon ni'r ymgyrch yn y cyfryngau cymdeithasol, newyddion ar-lein, ar y teledu, trenau, bysiau – unrhyw le y gallem! Cafodd y fideo dros **1 filiwn o olygiadau**. Bron iawn yr oeddem ni'n teimlo'n enwog!



dros 1 filiwn o olygiadau






Gynllun Pasbort

Yn Ebrill 2022, gydag Adoption UK, lansiwn ni Gynllun Pasbort sy'n cynnwys nifer fawr o adnoddau dysgu a chefnogaeth i bobl sy'n mabwysiadu.

Bydd yn eu helpu i deimlo'n fwy hyderus wrth fod yn rieni, delio â phroblemau, a bydd hyn i gyd yn helpu'r plant a phobl ifanc sydd wedi cael eu mabwysiadu.



Cofrestr Mabwysiadu Cymru (CMC)

Mae hwn yn wasanaeth pwysig sy'n helpu i baru pant a theuluoedd nad ydynt yn gallu cael eu paru gan eu hawdurdod lleol. Rydym yn gweithio gyda gwasanaeth Mabwysiadu Gyda'n Gilydd a'r rhanbarthau Cymreig i gyd.

Gyda'n gilydd, rydym yn creu digwyddiadau i gael hyd i deuluoedd i blant a phobl ifanc sy'n aros i gael eu mabwysiadu.

Yn 2021-22:

- Roedd cynnydd yn nifer y plant a'r teuluoedd a gafodd eu paru
- Cynhalion ni **4 digwyddiad ar-lein** a arweiniodd at fwy o bobl yn holi am fabwysiadu, fe wnaethom ni baru 5 o blant ac efallai bydd rhagor
- Cynhalion ni **Ddiwrnod Gweithgaredd Mabwysiadu** yng Nghaerdydd a daeth 13 o blant yno.



Mabwysiadu Gyda'n Gilydd

Rydym yn wasanaeth sy'n helpu i gael hyd i a chefnogi teuluoedd i blant sydd wedi bod yn aros hiraf.

- Gosodwyd **4** o blant a chymeradwywyd **23** o deuluoedd!
- Cynhalion ni **6** ymgyrch recriwtio arbennig

Blaenoriaeth #2

Gwneud mabwysiadu'n well i bawb

- Mae Ymrwymiad Cymorth Mabwysiadu'r GMC yn dweud wrth deuluoedd pa gefnogaeth y gallan nhw ofyn amdani a disgwyl ei derbyn yng Nghymru pan fyddan nhw'n mabwysiadu
- Gwario arian yn ddoeth
- Parhau i ddefnyddio adborth gan fabwysiadwyr a theuluoedd er mwyn gwella'n gwasanaethau

Beth yw'r 'Ymrwymiad Cymorth Mabwysiadu'r GMC'?


Dyma'r enw newydd am ein cynlluniau i greu gwell cefnogaeth mabwysiadu yng Nghymru.

Rydym am i bobl sy'n mabwysiadu deimlo eu bod yn cael eu cefnogi ar bob cam o'u taith o'r alwad ffôn gyntaf i ni ac am flynyddoedd i ddod – hyd yn oed ar ôl i blentyn gael eu gosod gyda nhw.

Rydym am iddyn nhw allu gofyn am help a gofyn unrhyw gwestiynau ar unrhyw adeg.

Rydym yn defnyddio'r llun yma o ymbarél i ddangos sut yr ydym am gynnwys popeth

- Y gefnogaeth mae pawb yn ei chael (gwyrdd)
- Cefnogaeth unigol y gall rhai teuluoedd fod ei hangen ac sy'n iawn iddyn nhw (oren)
- Cefnogaeth arbennig y gallai fod ei hangen. Er enghraifft – os oes gan blentyn anabledd (coch)



Mae'r Ymrwymiad Cymorth Mabwysiadu'n cyfeirio at y canlynol:

- Dull **Un Tîm** – pob un o'r bobl broffesiynol yn gweithio gyda'i gilydd er lles teuluoedd
- **Cymuned Fabwysiadu** – ble gall teuluoedd gefnogi ei gilydd a chael help gan bobl broffesiynol
- **Gwasanaethau arbenigol** – gall teuluoedd gael yr help yma'n gyflym os oes angen
- **Cyfathrebu da** a gwybodaeth – rhoi gwybodaeth dda i deuluoedd a gofyn iddyn nhw beth maen nhw eisiau.

Cefnogi ysgolion a cholegau

Edrychon ni ar **ymchwil** a chanfod bod angen cymorth ychwanegol o ryw fath yn yr ysgol ar y rhan fwyaf o blant sydd wedi eu mabwysiadu. Fe wnaethom ni ganfod:

- Nid yw pob athro ac ysgol yn gwybod am fabwysiadu a sut beth yw hyn i blant a phobl ifanc
- Mewn mannau gwahanol yng Nghymru, ac mewn gwahanol ysgolion ac adrannau, doedd dim yr un lefel o gefnogaeth na chefnogaeth gyfartal i blant a phobl ifanc. Mae angen i hyn fod yn gyfartal i bawb
- Doedd cefnogaeth ddim bob amser wedi ei threfnu'n dda
- Bod yr anawsterau yr oedd plant a'u teuluoedd yn eu cael mewn addysg yn debyg



Ystyr **anghenion cymhleth** yw pan fo gan blentyn salwch tymor hir neu anabledl sy'n creu nifer o anghenion gwahanol ac felly mae angen llawer o gefnogaeth ychwanegol arny'n nhw.

Er enghraifft, efallai bod ganddyn nhw anabledl dysgu neu broblemau corfforol, fel angen am gadair olwyn neu efallai eu bod yn fyddar (ddim yn gallu clywed).

Mae trawma'n rhywbeth sy'n digwydd unwaith neu fwy nag unwaith i blant neu oedolion sy'n annifyr ac sy'n gallu creu teimladau anodd, gwneud i chi deimlo'n anniogel ac efallai effeithio ar eich dysgu, eich ymddygiad neu eich corff.

Ystyr **Arfer yn Seiliedig ar Drawma** yw pan fo pobl broffesiynol yn dysgu am effeithiau trawma ar blant a phobl ifanc. Mae'n golygu eu bod yn gallu eich deall yn well a rhoi'r gefnogaeth gywir i chi.



Ystyr **ymchwil** yw eich bod yn edrych ar yr hyn sydd yn digwydd mewn gwirionedd mewn sefyllfa trwy ofyn cwestiynau i gael hyd i'r gwirionedd



Beth ydym ni wedi gwneud i helpu ysgolion?

- Mae Adoption UK wedi gweithio gyda **250** i ysgolion yng Nghymru
- Cynhaliwyd **28** o ddigwyddiadau dysgu i athrawon i'w helpu i gefnogi disgyblion wedi eu mabwysiadu yn well
- Mae'r GMC yn siarad â phobl broffesiynol sy'n gweithio yn Llywodraeth Cymru i'w cefnogi i wneud gwelliannau i wasanaethau.

8 ffordd y bu i ni wario arian yn ddoeth:

1. Mae 261 o deuluoedd yn derbyn gwasanaeth TESSA, gan gynnwys 132 o deuluoedd newydd eleni.
2. Mae 233 o blant a phobl ifanc ynghlwm wrth wasanaeth CONNECTED, gan gynnwys 95 o blant a phobl ifanc newydd.
3. Mae 450 o deuluoedd wedi cael cymorth therapiwtig o'r rhanbarthau y maen nhw'n byw ynddyn nhw.
4. Derbyniodd 200 o blant a theuluoedd ddeunyddiau Taith Bywyd a derbyniodd dros 200 o bobl yr hyfforddiant diweddaraf ar hyn.
5. Canfu'r gwasanaeth Mabwysiadu Gyda'n Gilydd deuluoedd i 6 o blant ag **anghenion cymhleth** a threfnwyd 6 ymgyrch arbennig i'n helpu i gael hyd i bobl a fyddai efallai'n hoffi mabwysiadu plant ag anghenion ychwanegol.
6. Rhoddwyd hyfforddiant mabwysiadu i dros 900 o bobl broffesiynol.
7. Mae **AFA Cymru** wedi creu hyfforddiant ar-lein i bobl broffesiynol a rhieni a fydd yn barod yn hydref 2022.

AFA yw'r Gymdeithas Maethu a Mabwysiadu (Association for Fostering and Adoption). Maen nhw'n darparu hyfforddiant, dysgu a chyngor i bobl broffesiynol a'r cyhoedd oherwydd eu bod nhw am weld mabwysiadu'n digwydd yn y ffordd orau posibl i blant a theuluoedd.
8. Rhoddwyd mwy o gefnogaeth i ddatblygu "**Arfer yn Seiliedig ar Drawma.**"

Ffocws ar lais a dylanwad mabwysiadwyr a phlant a phobl ifanc wedi eu mabwysiadu

Rhaglen TESSA

Ystyr TESSA yw Therapeutic Education Support Service for Adopted Families (a dyna pam rydym ni'n cwtogi hynny i TESSA!). Maen nhw'n helpu plant a theuluoedd gyda chefnogaeth arbenigol ychwanegol – pethau fel dosbarthiadau rhianta.

Fe wnaethom ni fwy o ymchwil i weld a oedd TESSA'n helpu. Dywedodd rhieni eu bod yn fodlon iawn!

Roedden nhw'n teimlo'n fwy hyderus ac yn deall anghenion eu plant yn well. Roedden nhw hefyd yn gallu siarad â rhieni eraill, a oedd yn rhoi mwy o gefnogaeth iddyn nhw.



CONNECT

Mae grwpiau **CONNECTED** yn un rhan o wasanaeth **CONNECT**. Mae grwpiau oedran gwahanol ar gyfer dros 230 o blant a phobl ifanc wedi eu mabwysiadu yng Nghymru

- 7–10 oed
- 11–17 oed
- 18–30 oed (grŵp llai)

Mae'r grwpiau'n cyfarfod pob mis ar gyfer cefnogaeth ac i sicrhau bod lleisiau pobl ifanc yn cael eu clywed fel y gallan nhw ddweud pa wasanaethau y mae eu hangen arnyn nhw.

Dywedodd rhieni,

"Mae fy merch yn aml yn ymuno â'r sesiynau'n teimlo'n flin, ond o fewn ychydig funudau mae'r staff wedi ei chael hi i chwerthin a gwrsio!"

"Mae'r gwasanaeth... wedi caniatáu i fy merched i fod yn nhw'u hunain ac maen nhw wedi cael eu cefnogi i fod yn nhw'u hunain. Mae hyn wedi gwneud gwahaniaeth anferth iddyn nhw."





Cynghorau Ieuenctid

Cynhaliodd Cynghorau Ieuenctid Mabwysiadu (CONNECT Voices) ddigwyddiad arbennig yn Techniquet yn Ebrill: lansio'r wefan newydd a chynghorau ieuenctid. Daeth dros 90 o bobl.

Dywedodd pobl ifanc wrth deuluoedd a staff mabwysiadu am waith y cynghorau ieuenctid a dathlon nhw lansiad eu gwefan newydd sbon.

- Aeth aelodau o'r cyngor ieuenctid i ddigwyddiad hystingau gydag ymgeiswyr yn Etholiadau'r Senedd 2021 ble cawson nhw gyfle i ofyn cwestiynau i bobl o bob plaid.
- Yn Ionawr 2022 fe wnaeth aelodau'r cyngor ieuenctid gyfweld â Chyfarwyddwr y GMC, Suzanne Griffiths.
- A chynhyrchon nhw'r ddau gylchlythyr cyntaf.

Y wefan

Crëwyd y wefan gan bobl ifanc i bobl ifanc. Rydym yn gobeithio y byddwch yn hoffi'r lliwiau llachar! Mae'n onest iawn ac yn glir, gyda fideos gan bobl ifanc. Rydym ni mor falch o'r hyn y maen nhw wedi cyflawni. Dewch i'w weld yma:

www.connectcymru.com

Rydym wedi ein cyffroi gymaint o gael dechrau cyfnod newydd, gwell o glywed lleisiau plant a phobl ifanc wedi eu mabwysiadu yn uchel ac yn glir!



The screenshot shows the homepage of the CONNECT website. At the top, there's a navigation bar with links: 'Ymwybyddiaeth o Fabwysiadu', 'Connected', 'Gwybodaeth i bobl ifanc', and 'Lleisiau a Safbwyntiau'. Below this is a red banner with the text 'Cyngor Ieuenctid'. The main content area features a headline: 'Mae Lleisiau CONNECT yn grŵp ar gyfer pobl ifanc wedi'u mabwysiadu i gwrrd â phobl ifanc eraill sydd wedi'u mabwysiadu ac i rannu eu profiadau mabwysiadu'. Below the headline is a circular image of a group of young people sitting around a table, with a 'CONNECT' box on it. To the right of the image is a paragraph of text in Welsh, followed by a 'Dysgu mwy' button. At the bottom, there are two sections: 'Beth yw'r grwpiau oedran?' and 'Pwy yw'r gweithwyr?'. The footer contains a small disclaimer and a 'Ymuno â Lleisiau CONNECT' button.





Gwaith Taith Bywyd


Mae gwaith Taith Bywyd yn ffordd o helpu plant nad sydd yw byw gyda'u teuluoedd genedigol i gael dealltwriaeth o'u taith bywyd a'u hunaniaeth.

Mae gwasanaethau mabwysiadu yng Nghymru'n awyddus i wneud yn siŵr ei fod yn cael ei wneud yn dda ac mae'r GMC yn cydlynw ac yn cyflenwi hyfforddiant mewn perthynas ag e.

Daeth dros 150 o staff, gan gynnwys gweithwyr cymdeithasol plant, i'n gweithdai Taith Bywyd eleni.

Gofynnwn ni i **AUK Baromedr** greu adroddiad i weld a yw pobl sy'n mabwysiadu a'u teuluoedd yn fodlon gyda gwasanaethau mabwysiadu.

- Roedd y mwyafrif (y rhan fwyaf) o bobl yn teimlo'n gadarnhaol iawn am fabwysiadu
- Mae mabwysiadwyr Cymreig i weld yn ymdopi'n well na Lloegr, yr Alban a Gogledd Iwerddon
- Mae cefnogaeth mabwysiadu wedi gwella
- Mae rhai meysydd o hyd ble mae angen gwaith o hyd.



Mae'r **Sgwrs Mabwysiadu Fawr** yn digwydd pob blwyddyn, wedi ei rhedeg gan y GMC.

Daeth 99 o rieni, neiniau a theidiau, pobl ifanc (gan gynnwys rhai o'n cynghorau ieuenctid), a phobl broffesiynol yno. Roedd yn ddigwyddiad cadarnhaol iawn. Dyma beth ddysgon ni:

- Mae'r gwaith yr ydym yn gwneud yn gweithio ac mae teuluoedd yn fwy hapus ac yn teimlo eu bod yn cael eu cefnogi
- Pa mor bwysig yw clywed lleisiau pawb sy'n cael eu heffeithio gan fabwysiadu
- Mae angen i ni gadw gwasanaethau'n gyfredol gyda'r hyn y mae ei angen os bydd pethau'n newid ac wrth i bethau newid
- Efallai bydd angen rhyw fath o gefnogaeth ar blant sydd wedi eu mabwysiadu am amser hir neu drwy gydol eu bywydau.

Mae hyn i gyd yn ein helpu i gynllunio'n gwasanaethau'n well!

Dyma'r hyn ddywedodd un o'r bobl ifanc, Anna,

"Y gefnogaeth i'r grwpiau Connected a'r Cyngor Ieuenctid yw'r rheswm rwy'n parhau i ddod yn ôl – pe bawn i'n teimlo nad oeddwn i'n cael fy nghefnogi, buaswn i ddim wedi trafferthu. Maen nhw'n deall ac yn gwneud pethau'n ddiogel – mae'n ein galluogi i siarad am ein gorffennol. Mae'n wirioneddol anodd pan fyddwch yn teimlo nad oes gennych chi lais, ond gyda'r grŵp yma, rwy'n teimlo bod gen i lais. Rwy'n gallu defnyddio fy mhrofiadau i helpu'r genhedlaeth nesaf. Rwy'n gobeithio gweld llawer o newid yn y dyfodol, y bwriad yw defnyddio fy llais a fy mhrofiadau i helpu'r rhai iau"

Blaenoriaeth #3

Meddwl at y Dyfodol



- Dylanwadu ar Lywodraeth Cymru ac awdurdodau lleol i greu gwasanaethau mabwysiadu ardderchog
- Parhau i greu dull Un Tîm/Un Gwasanaeth
- Parhau i godi ymwybyddiaeth mabwysiadu ymhlith pobl broffesiynol a'r cyhoedd

Ymchwil

Rydym yn edrych ar ac yn ymwneud â phrosiectau ymchwil gwahanol sy'n dweud mwy wrthym ni am:

- Effeithiau mabwysiadu ar blant, pobl ifanc a theuluoedd
- Pa wasanaethau sy'n cael eu cynnig
- Beth sy'n gweithio a beth nad sy'n gweithio
- Pa welliannau y mae angen eu gwneud
- Pa gamau allwn ni neu bobl eraill eu cymryd

Mae hyn yn ein helpu i ddylanwadu ar a rhoi gwybodaeth i lywodraethau ac awdurdodau lleol.

Codi Ymwybyddiaeth

Rydym yn gweithio'n genedlaethol ac yn lleol i godi ymwybyddiaeth ymhlith pobl broffesiynol a'r cyhoedd.

Rydym yn cymryd rhan mewn grwpiau gwahanol a chyfarfodydd i wybod y diweddaraf a rhoi'r diweddaraf i bobl eraill iddyn nhw fod yn ymwybodol o'r hyn sy'n digwydd i deuluoedd sy'n mabwysiadu.

Rydym yn gwneud mor dda nes bod rhannau eraill o'r DU wedi bod yn gofyn i ni beth rydym yn ei wneud! Ydyn ni'n dod yn enwog??

Dull un gwasanaeth – gweithio gyda'n gilydd

- Mae'r GMC yn gweithio ochr yn ochr ag Awdurdodau Lleol, adrannau'r llywodraeth, asiantaethau mabwysiadu gwirfoddol, gwasanaethau iechyd ac addysg a nifer o bobl eraill. Rydym yn cynnal cyfarfodydd rheolaidd gyda'n gilydd i gynllunio a thrafod unrhyw broblemau.
- Ein bwriad yw creu gwasanaeth teg, rheolaidd i bawb ac, i wneud hynny, mae angen i ni i gyd weithio gyda'n gilydd.
- Eleni, codon ni arian ychwanegol i helpu gyda hyn.

Adeiladu perthnasau newydd

Fe wnaethom ni gyfarfod â rhai sefydliadau newydd a allai fod yn rhan o wella'n gwasanaethau mabwysiadu. Rydym yn dal i feddwl am hyn a byddwn yn rhoi gwybod i chi!

Black Lives Matter

Rydym wedi parhau i roi hyfforddiant 'Tuedd Diarwybod' i bobl proffesiynol yng Nghymru.

Mae myfyriwr yn Ysgol Gofal Cymdeithasol Prifysgol Caerdydd yn gwneud ymchwil i weld sut mae gwasanaethau'n gweithio gyda phlant a phobl sy'n mabwysiadu o amrywiaeth o gefndiroedd.



Tueddiad Diarwybod yw rhagfarn all fod gan bobl nad yw'n amlwg. Felly, dydyn nhw ddim yn ymddangos yn hiliol, ond mae ganddyn nhw rai credoau a rhagfarn am bobl lliw. Gall hyn achosi iddyn nhw weithredu mewn ffyrdd penodol, barnu neu fod ag ofn pobl sy'n wahanol iddyn nhw.

Adborth Cadarnahol

"Diolch
yn fawr i chi am
waith caled eich tîm ar ran fy
nheulu. Ces i brofiad cadarnhaol
iawn o'r cychwyn cyntaf"

Gan rywun sy'n
mabwysiadu

"Roeddwn i am fynegi
diolch i N am ei help yn ystod yr
wythnosau diwethaf ... Rwy'n
ddiolchgar am ei help, prydlondeb
a phroffesiynoldeb."

Gan oedolyn a gafodd eu
mabwysiadu fel plentyn

"Roedd hwn
yn adolygiad cyntaf
cadarnhaol iawn.
Diolch i bawb."

Gan ddarpar
fabwysiadwr



Mae Gwasanaeth Mabwysiadu Cenedlaethol (GMC)

Crëwyd y Gwasanaeth Mabwysiadu Cenedlaethol yn 2014 i wella gwasanaethau i bawb sy'n cael eu heffeithio gan fabwysiadu yng Nghymru.

Daeth â nifer o wasanaethau gwahanol ynghyd, fel awdurdodau rhanbarthol a lleol, asiantaethau mabwysiadu gwirfoddol yn ogystal â gwasanaethau iechedd ac addysg.

Trwy weithio gyda'i gilydd:

- Maen nhw'n adnabod, yn gofalu am ac yn cefnogi plant sydd â chynllun mabwysiadu.
- Maen nhw'n recriwtio, yn asesu ac yn cefnogi pobl sy'n mabwysiadu.
- Maen nhw'n cefnogi ac yn cynnig cwnsela i rieni genedigol.

Mae rhai gwasanaethau'n aros gyda'r awdurdodau lleol ac mae rhai gwasanaethau'n cynnig help yn uniongyrchol oherwydd efallai bod gan ardaloedd lleol neu ranbarthau anghenion gwahanol.





Gwasanaeth
Mabwysiadu
Cenedlaethol

National
Adoption
Service

**Achieving More Together /
Cyflawni Mwy Gyda'n Gilydd**



Gwasanaeth Mabwysiadu Cenedlaethol
Tîm Canolog
c/o Cyngor Dinas Caerdydd
Ystafell 409 Neuadd y Sir
Glanfa'r Iwerydd, Caerdydd CF10 4UW
F: 029 2087 3927
E: contact@adoptcymru.com
www.adoptcymru.com



@nas_cymru



@nationaladoptionsservice